

C'E' NA FAMIGGHIA
CCHIU' DDA DI CATANZARU

C'è na famigghia cchiù dda di Catanzaru
di quattru figghi masculuna e schetti
e quannu la sira sonanu li setti
s'arrampicanu tutti a lu so' pagghiaru,
comu l'aceddi svulazzanu l'ali
ognuno parla di lu so ideali.

Lu figghiu granni è forti liberali,
lu sicunnu è pi lu republicanu,
lu patri democraticu cristianu
prea li santi d'un finiri mali,
lu mizzanu un forti comunista,
lu nicu du picchiuppù riformista.

Cunsidirati chi casa e chi timpesta
tuttu lu iornu sulisti e disaccordu
ma quannu la matri scinni u quararuni
tutti d'accordu pi lu maccarruni.

C'E' UNA FAMIGLIA
PIU' IN LA' DI CATANZARO

C'è una famiglia più in là di Catanzaro
di quattro figli maschi e celibi
e quando a sera suonano le sette
ritornano tutti, ad uno ad uno, alla loro casa;
come gli uccelli svolazzano le ali,
tutti allora parlano dei loro ideali.

Il figlio grande è un convinto liberale,
il secondo lotta per i repubblicani,
il padre democratico cristiano
prega i santi di non far brutta fine,
il medio è tutto comunista,
il piccolo del PSIUP riformista.

Considerate che casa in tempesta
tutto il giorno solisti e in disaccordo
ma quando la madre prende il pentolone
tutti d'accordo, allora, per i maccheroni.

LI PRUMISSI DI L'ELEZIONI RIGIUNALI

L'aviti ussirvatu lu prugressu
cu sti novi diputati ch'acchianaru
quantu granni beni chi purtaru
chiùttostu emu a lu rigressu
sunnù passati ottu misi boni
chi s'ha vistu nta sta povira Rigiuni

E tutti sti novanta diputati
regginu lu governu rigiunali,
a tempi di la campagna elettorale
eranu gintili e primurati
di truvare a lu zu Ciciu e lu zu 'Ntoni
iorna prima di la votazioni.

LE PROMESSE DELLE ELEZIONI REGIONALI

Avete osservato il progresso
fatto con questi nuovi deputati,
quanto gran bene ne è venuto!
piuttosto ritorniamo indietro
sono passati ormai più di otto mesi
che cosa si è visto in questa povera Regione?

E tutti questi novanta deputati
reggono il governo regionale,
al tempo della campagna elettorale
erano gentili e pieni di premure,
andavano a trovare lo zio Ciccio e lo zio 'Ntoni
giorni prima della votazione.

Cu parrava d'industrializzazioni
custruiri li dichi e l'energia
cu assicurava prugressu e garanzia
l'aumentu di l'assequ da Regiuni
cu parrava di riforma addirittura
e contributi pi l'agricultura.

L'esportazioni di lu vinu sicilianu
lu smerciu di lu sali di salini
di l'aranci, lumuna e mandarini,
lu cuntributu di lu granu duru
lu ribassu di la nafta e binzina
e costruzioni di lu ponti di Messina.

L'anticipu a li picculi 'ndustriali
di l'IRFISI, la SOFISSI o chi sia
pi distruggiri chista epitemia,
lu cuntributu a lu poviru artigianu,
nna varca cu l'urmiggi rinfurzati
chi perdi acqua di tutti li latati.

Lu rigulari pagamentu a l'impiati
chi sunnu stufi finu a li cuasetti

Chi parlava d'industrializzazione,
chi di costruire dighe e di energia,
chi assicurava progresso e garanzie
e l'aumento dell'assegno regionale,
chi parlava di riforma addirittura
e di contributi per l'agricoltura.

L'esportazione del vino siciliano
lo smercio del sale di salina
delle arance, limoni e manderini,
il contributo del grano duro
il ribasso della nafta e della benzina
e la costruzione anche del ponte di Messina.

L'anticipo ai piccoli industriali
dall'IRFIS, dalla SOFIS o che sia
per distruggere questa epidemia,
il contributo al povero artigiano,
una barca con gli ormeggi rinforzati
che perde acqua da tutti i lati.

Il regolare pagamento agli impiegati
che sono pieni sino alle calzette,

scattannu lu iornu vintisetti,
a sentiri chi sunnu rimandati
di lu vintisetti a lu cinquattaquattru,
E' tuttu veru e prisintaru li provi
chi sunnu stufi sinu all'ottantottu.

Prumisiru a li poviri comuni
pi sullivarli di sta malatia
lu bilanciu cu abbondanza e largasia,
stanziari li sordi a li cantieri
pi l'opirai farli travagghiari
pi putirisi vestiri e manciari.

Diversi Trapanisi e Pacicoti
ianu firriannu iornu e notti
ennu tuppuliannu porti porti
'ncasa 'ncasa a dumannari voti
« Dati voti a sti nostri diputati
nun ci sarannu chiù disoccupati ».

Lu populu vutau suddisfattu
detti li voti a beni e mali
si fici lu governu rigiunali

scattando il giorno ventisette,
a sentire che sono rimandati
dal ventisette al cinquantaquattro,
stringono la cinghia e il cappotto;
è tutto vero e presentano le prove
che sono stufi sino all'ottantotto.

Promisero ai poveri comuni
onde sollevarsi da questa malattia
un bilancio largo ed abbondante,
di stanziare i fondi per i cantieri
sì da far lavorare gli operai
per potersi vestire e mangiare.

Molti trapanesi e pacecoti
giravano giorno e notte
andando a bussare porta per porta
di casa in casa a chiedere voti:
« Date i voti a questi nostri deputati
non ci saranno più disoccupati ».

Il popolo votò soddisfatto
dette il voto in buona fede
si fece il governo regionale

comu s'ha fattu pi vintiquattr'anni
avennu la scheda ch'è l'arma putenti
ristarù li vai e li lamenti.

Lu viddanu aspetta u contribu
di l'azienda e di lu granu duru,
ci resta lu zappuni grossu e duru
chi l'ha fattu divintari immurutu,
'nfatti li chiù sperti soccu fannu
lassanu li terri e sinni vannu.

Li medi e li picculi 'ndustriali
stannu aspittannu lu finanziamentu
tutti chi sinni vannu 'nfallimentu,
s'aspetta lu dicretu rigiunali,
mentri stannu ad aspittari lu prugressu
si mancia tutti cosi u tribunali.

La stissa cosa pi l'artigianatu
tutti aspettannu lu contribu,
a lu riccu ci dunanu l'aiutu,
lu prestitu cu tassi ribassatu,
pu scarsu la cosa si scunchiuri
lu primu effettu chi va 'mprutistatu.

come si è fatto per ventiquattro anni
avendo la scheda ch'è l'arma potente
restarono i guai e le lagnanze.

Il contadino aspetta il contributo
dell'azienda e del grano duro,
gli resta in mano la zappa grande e dura
che l'ha reso con gli anni agobbato,
infatti i più furbi cosa fanno?
lasciano via le terre e se ne vanno.

I medi e piccoli industriali
aspettano ancora il finanziamento
se ne vanno tutti in fallimento,
s'aspetta il decreto regionale,
mentre stanno ad aspettare il progresso
si va mangiando tutto il tribunale.

Lo stesso avviene per l'artigianato
tutti aspettano il contributo,
al ricco danno subito l'aiuto,
il prestito col tasso ribassato,
per il povero la cosa non si può fare,
il primo effetto? va subito protestato!

Ristaru l'impiati cumunali,
s'un passa quattru misi un su pagati,
li assissura tutti 'ncullurati
aspettanu lu bilanciù rigiunali
e proponinu sciopiru cu stizza,
fitennu li morti e la munnizza.

Li disoccupati vannu a aumintari,
preanu ch'arrivassi lu cantieri,
soffrinu li figghi e la muggheri,
scura, nun hannu cosi di manciari,
si soffri, s'aspetta e si dispera,
lu beddu votu lu ittaru a mari.

Però li diputati ch'acchianaru
li sannu rispittari li so fili,
nun soffrinu p'aspittari lu minsili,
li so' cusuzzi si li risittaru:
ogni misi la paga di piaciri
sitticentucinquantamilaliri.

Sparti di lu bigliettu e lu viaggiu
l'alloggiu gratis e li sicaretti

Rimasero gli impiegati comunali,
se non passano quattro mesi, non sono pagati,
gli assessori pieni di collera
aspettano il bilancio regionale
e propongono sciopero a singhiozzo
mentre puzzano i morti e l'immondizia!

I disoccupati continuano ad aumentare,
pregano che arrivi il cantiere,
soffrono i figli e la moglie,
a sera non hanno di che mangiare,
si soffre, s'aspetta e ci si dispera,
il voto bello l'hanno buttato a mare,

Però i nuovi deputati
sanno far bene i propri conti,
non soffrono ad aspettare il mensile,
hanno messo in ordine le loro cose:
ogni mese una paga di piacere
settecentocinquantamila lire.

Oltre il biglietto del viaggio,
l'alloggio gratis e le sigarette,

li busti, la carta e li fuglietti
e autri tanti cosi di vantaggiu
ed un approntu ch'è la prima vasa
venti miliuna accuntu pi la casa.

C'è na liggi p'ogni diputatu
d'acquistarisi l'appartamentu,
chi veni detrattu di lu pagamentu,
pagamentu a scoppiu ritardatu,
di quannu la rigiuni fu furmata,
nuddu c'ha pacatu mai na rata.

Oltri li siduti sù pagati
lu tempu persu pi li riunioni,
li seguinu cu massima attinzioni,
passanu li iorna e li nuttati
li cosi vannu sempri cumplicannu,
p'appruvari nna liggi passa l'annu.

Chiù chi tempu passa, chiù dinaru,
creanu sciarri, 'mpidimenti,
cu si fingi malatu ed esti assenti,
li voti nminuranza nun bastaru,

le buste, la carta ed i foglietti
e tante altre cose di vantaggio
ed un appronto come prima fortuna,
venti milioni in acconto per la casa.

C'è una legge per ogni deputato
per l'acquisto di un appartamento,
che viene detratto dal pagamento,
pagamento a scoppio ritardato,
da quanto la Regione fu formata,
nessuno ha pagato mai una rata.

Oltre le sedute è pagato
il tempo perduto per le riunioni,
queste sono seguite con massima attenzione,
passano i giorni e le notti intere,
le cose vanno sempre complicandosi,
per approvare una legge, passa l'anno.

Più tempo passa, viene più denaro,
creano liti, impedimenti,
che si finge malato ed è assente
i voti in minoranza non bastano,

si presenta Natali ed accusi
rimannanu 'nfebbraiu pu vintitri.

Si presenta la festa Mezzaustu
si chiudi lu Parlamentu tuttu 'nsanu,
cu va a Munticatini e cu a Chiancianu,
Pariggi, Vienna e cu a San Giustu,
cu gira, godi e si diverti
futtennusi li sordi di trasferti.

Primu di li cinquanni si pruponi
di 'ncaparrari l'autri cinquanni
sinni sceru di tutti li malanni
ottinniru lu librettu di pinsioni,
si prova, si rifletti cu attinzioni
si pi l'autri cinquanni è prifritu,
siddu li siguaci nun lu vonnu,
p'acchianari, si vinninu u partitu.

Lu populu nun è chiù 'nta l'ignuranza,
anchi l'analfabetu è mancipatu,
sti cambiamenti tutti l'ha ussirvatu,
nun parra, rifletti e metti 'npanza:

si arriva a Natale e così
rimandano a Febbraio per il ventitrè.

Si arriva poi a Ferragosto
si chiude il Parlamento al completo,
chi va a Montecatini e chi a Chianciano,
Parigi, Vienna e chi a San Giusto,
chi gira, gode e si diverte
fottendosi i soldi delle trasferte.

Prima dei cinque anni si propone
di accaparrarsi gli altri cinque anni,
sono usciti da tutti i malanni,
hanno ottenuto il libretto della pensione,
si prova, si riflette con attenzione
se per gli altri cinque anni si è preferiti,
se i seguaci non lo vogliono,
per salire, si vendon pure il partito.

Il popolo non è più tanto ignorante,
anche l'analfabeta si è emancipato,
i cambiamenti li ha tutti osservato,
non parla, riflette e mette in pancia:

« Ti nni fregghi di lu partitu e di l'amici,
pocu t'importa di li lavuratura,
lotti sulu pi la tò manciatura
ppi viviri prospiru e filici,
ti piaci navicari 'nta lu bellu,
'nta sti vint'anni nun ti nn'ai addunatu
la Sicilia chi va a lu sfacellu,
vint'anni chi s'aspetta primavera
stu populu è sempri dintra na pirrera.

Si sintiti lu gazzittinu ricitari
miliardi nni stanziandu ogni iornu
di la Cassa di lu Mezzugornu,
cifri chi fannu spavintari,
cu la liggi di l'articulu trentottu
miliardi stanza lu governu cintrali,
li sordi li stampanu cu l'ali,
nun c'è tempu di rapiri li mazzi
li sordi volanu comu l'acidazzi.

Currinu sempri, fannu svulazzati,
supra Palermu firriandu 'ntunnu,
vannu squagghiannu 'nta l'assissurati

« Te ne strafotti del partito e degli amici,
poco t'importa dei lavoratori,
lotti solamente per la tua greppia,
per vivere prospero e felice,
ti piace navigare in mezzo al benessere,
in questi venti anni non ti sei accorto
che la Sicilia va allo sfacelo,
vent'anni che si aspetta la primavera
e questo popolo è sempre dentro un baratro.

Se ascoltate il gazzettino
miliardi ne stanziato ogni giorno
dalla Cassa per il Mezzogiorno,
cifre che fanno spaventare,
con la legge dell'articolo trentotto
miliardi stanziato il governo centrale,
i soldi li stampano con le ali,
non c'è tempo di aprire i blocchetti,
che i soldi volan via come gli uccellacci.

Corron sempre, fanno sorvolate,
sopra Palermo girano intorno,
vanno scomparendo dentro gli assessorati,

'nmezzu sti marpiuna chi cci sunnu
dunni soffrinu migghiara d'impinati
chi tennu tavuli chini di cartazzi
di carti ponnu inchiri schifazzi
tutti cu li testi frasturnati
fannu sempri a circari documenti
arrivanu c'un capiscinu chiù nenti.

Pratichi ci nni sunnu a munzidduna
n'annu arrivatu malaseni chini,
genti vannu, vennu a miliuna
appartatura, 'ndustriali, cuntadini
pi dari a li sò pratichi ammuttuna
cu capi di partiti e malantrini,
li pratichi chi stannu pi sbrigari
sù chiddi di li monaci e parrini.

Dda dintra vugghiunu comu li fufui,
subitu li fannu accumulari,
trasinu dintra, nun nescinu chiù,
a vista si li fannu cumpilari
li borghesi chi stannu ad aspittari
di prima matina 'nfina li dui

in mezzo ai furboni che ci sono,
dove soffrono migliaia d'impiegati
dai tavoli pieni di cartacce,
di carte possono riempire barconi
tutti con le teste frastornate
stanno sempre a cercare documenti,
arrivano che non capiscono più niente.

Pratiche ce ne sono a grandi mucchi
da riempire grandi magazzini,
la gente va, viene a milioni
appaltatori, industriali, contadini
per dare una spinta alle loro pratiche
con capi di partiti e di cosca,
le pratiche che stanno per sbrigare
sono quelle dei monaci e dei preti.

Là dentro pullulano come gli scarafaggi,
subito li fanno accomodare,
entrano e non se ne escono più,
a vista se li fanno compilare,
ai borghesi che stanno ad aspettare
dalla mattina sino alle due.

ci dunanu all'uscita la puntata
di riturnari all'otra simanata.

Un cuntadinu facia na lamintura
di la cuntrada di lu Fulgaturi,
acquistau un picculu tratturi
cu cuntributu di l'agricultura,
avia cianquanni, nun ci avia 'rrivatu,
un ligali ci detti summu aiutu
dopu sett'anni 'rrivau lu cuntributu
li sordi chi pigghiau di lu mannatu
nun bastaru pi pagari l'avvocatù.

Chista è la sacra e santa viritati
qualcunu cca mezzu mi cinzura,
cu dici chi sugnu foddì addirittura
sti quattru sinzaleddi nuddicati
cu quattru fasoli e favi caliatì
chi stannu a fari li tramizzatura
circannu li voti a tempu di elezioni
frigannu a lu zu Ciciu e lu zu 'Ntoni.

Democraziza, un granni pilastruni,
l'avvirsariu vulcanu senza rotta

danno all'uscita l'appuntamento
di ritornare la prossima settimana.

Un contadino fece una protesta,
era della contrada di Fulgatore,
acquistò un piccolo trattore
col contributo dell'agricoltura,
passati cinque anni non gli era ancora arrivato,
un legale gli dette grande aiuto
dopo sette anni arrivò il contributo,
i soldi che prese dal mandato
non bastarono a pagare l'avvocato.

Questa è la sacrosanta verità
qualcuno certamente mi censura,
chi dice che sono folle addirittura
come questi quattro sensalucci
nutriti di fagioli e fave abbrustolite
che stanno a fare i mediatori
cercando voti al tempo delle elezioni
prendendo in giro lo zio Ciccio e lo zio 'Ntoni.

Democrazia sei un grande pilastro,
l'avversario tuo è un gran vulcano

cu dda vacca di lu crateri scotta
urtannu cu la forza e l'ammuttuni,
cci voli pi ssu pilastru un trantuliuni
pi vidiri dopu comu si diporta,
chi si nun si metti a signu di ragiuni
ittamulu 'nterra a sicunna lotta.

con quella bocca del cratere scotta,
urtando con la forza e gli spintoni,
occorre per questo pilastro una scrollata,
per vedere dopo come si comporta,
poichè se non si mette a segno di ragione,
buttiamolo a terra nella seconda competizione!